

[نومرو ۱۸]

[ایکنجی سنه]



خزینہ اوراق

مؤسسی

محمود جلال الدین

تاریخ طبعی

۱۰ جمادی الاخر سنه ۱۳۰۳

تاریخ تأسیسی

۱ مایس سنه ۱۲۹۷

بو رسالهء ادبیہ جمعہ ایرتسی کونلری چیقار

اولونيه لي عزتلو ثريا بك افندی طرفندن اقدمجه

ارسال بيورديلان مقالات مفیده

« استاتستيق »

۱

ويانه لي پروفيسور « لؤمانك » نشر ايتديكي ايستا-
تستيقنه كوره كره ارض اوزررنده موجوداولان « شمندر »
لرك سرمايه موجوده ومفروضه لري طقسان مليار فرانقه
بالغ اولمقده و جمله سنك طولی اوجيوز قرق بشيك
كيلومترو مسافه تشكيل ايتمكده در. عمومنده التمش ايكي بيك
لوقوموتيف ويوز اون ايكي بيك يولجي عربه سي موجود
اولوب بر يچق مليار دن متجاوز يولجي اوزرلرنده سير
وسفر ايلمكده در.

۲

ينه پروفيسور : لؤمانك : ايستاتستيقنده كوريلور كه
اقوام متمدنه جهان اراسنده سنوي وقوعبولان مخبرات
شخصيه نك مقدار عموميسي درت مليار اوجيوز مليونه
بالغ اوليور كه بونلرك اوج ملياري اوروپاده و يديوز

ملیونی امریقاده و متباقیسی قطعات سائرده تعاطی
اولنمکده در.

اڭ چوق مخا براتی اولان انکلتزه قطعہ سیدر که سنوی
مکاتب ایچون بر میلیار اوچوز ملیون اوراق صرف استهلاک
ایدلمکده در. اوروپا اقوام مدنیہ سی اراسنده اڭ از مخا بره
ایدن ایتالیانلر در که نفوس عمومیه لرینه نسبتله مخا برات
واقعہ دن بهر ادمه انجق درت قطعہ مکتوب اصابت
ایتمکده در !!

۳

ینہ حساب اولنیور که اوروپاده تلغرافلده تعاطی
اولنان مخا برات شخصیہ نڭ مقداری یوز الی ملیونی تجاوز
ایتمکده در.

بونلردن اوتوز ملیونی انکلتزده اون طقوزی فرا-
نسه ده اون بشی المانیاده سکزی اوستریاده ویدی یچق
ملیونی ایتالیاده جریان ایلیمکده در.

خارجہ اڭ زیاده تلغراف آلان و ویرن فرانسه قطعہ سی
اولدیغی کبی پولتیقه اوزرینه چکیلان تلغرافلرده فرانسرجه
عموم لسانه تفوق ایتمکده در اڭ از تلغراف تعاطی ایدن

قطعه ده اسپانيا دركه بهر اون ادمه يكون عموميدن يالكر
برقطعه تلغراف اصابت ايدە يورمش!

۴

فرانسه مالیه نظارتك نشر ايتديكى براتستا تستقه
نظراً فرانسه دن يوز يتمش طقوزدن سكسان برسنه سنه قدر
اوچ سنه ظرفنده يتمش يدي مليون هكتولترو شراب حاصل
اولمشكن بيك سكر يوز يتمش بشدن يتمش يدي يه قدر ينه
اوچ سنه ده ايكي يوز مليون هكتولترو شراب المشدر
بو حسابجه فيلو كسرانك فرانسه نك اوچ سنه ده يالكر
حاصلاتدن ايكي بچق مليار فرانق ضرري موجب اولديغي
كي اوچيوز بيك هكتار باغلريده كلياً قورتمشدر.

۵

بيك سكر يوز يتمش طقوزندن سكسان برسنه سنه قدر
اوچ سنه ظرفنده خارجدن فرانسه يه يتمش درت مليون
هكتولترو بغدادی ورود ايتمش وبونلرك مجموع فيائی ايكي
مليار فرانق تخمين اولمشدر!

۶

يافه ده بوكونكي كونده موجود اولان پورتقال باغچه.

لری اوچیوز الییه و بونلرک حاوی اولدقلری اغاجلر
برملیونه قریبدر .

۷

دنیا ده که اقوامدن اک نفیس طعام ایدنلر امریکا
وانکلتره اھالیسی اولدیغی کبی ینہ اک چوق مسکرات
ایچنلر ده انکلیزلر و متعاقباً روسیہ لولردر . (*) اوروپا ممالک
مختلفہ سنندہ اتک اک او جوزی ایتالیا ده و اک ایوسیدہ
ایسویجره ده در .

۸

۱۸۸۲ سنہ سنندہ ایرلانده اراضی مستأجرلری اصحاب
املاک ۱۸ ملیون لیرا بدل ویرمشد .

۹

انکلتره ده بولنان جمعیت انجیلیہ بیک سکزیوز سکسان
بر سنہ سنندہ انکلتره خارجندہ اوچ ملیون انجیل توزیع
ایتمش و مدت اجتماعی اولان یتیم سکزی سنہ ظرفندہ

(*) اشبو استاتستقده نوت عیہ مع التاسف داخل حساب
دکلسده ممالک محروسده مشتاقین مسکرات استانبول شهر شہیری مستش
اولق شرطیلہ اندردر .

جمعاً يکون طقسان اوچ مليون طقوز يوز الی اوچ بيک
نسخه طاغتمشدر.

۱۰

لوندره شهرنده مسکون اولان درت بچق مليون
نفوس اره سنده بهر بش دقیقه ده برولادت و بهر سکنر
دقیقه ده بر اولوم وقوعبولمقده درکه مولودات وفياته
نسبتله یومی ۱۳۶ و سنوی ۴۸۶۴۰ انسان ترايد ایتمکده در.

۱۱

یدی بيک انگلیز میلی طولنده اولان لوندره اسواقنده
وقوعبولان خدمات متنوعه ایله یومی سکنر و سنوی ایکی
بيک طقوز يوز يکرمی سکنر ادم قدر تلف اولمقده در.

۱۲

لوندره شهرنده سنوی اوتوز بش دن قرق بيک قدر
ادم سر خوشلقدن تحت توقیفه النمقده در.

۱۳

۱۸۷۷ سنه سندن ۱۸۸۲ سنه قدر انگلتره شمندفر -
لرنده وقوعبولان قضاده که تلفاتندن بهر درت مليون اوچیوز
یتیمش یدی بيک یدیوز يکرمی یدی یولجی یه بر اولوم

وینہ بہر ۴۲۹۹۹۲۷ یو لچی یہ بر مجروح اصابت ایتشدر .
 بو مقدار بادئ نظرده آز کورینیورسده انسانلر
 پیا نقوده برقاج ملیون نمرودن اک بیوک حصہ بی قزانمغہ
 امید وار ایکن عجیا بوندہده اویلہ بر انتظار قطعی اولسه
 شمندوفرہ بنمک ایچون جسارت ایدن بولنورمی ؟
 (ثریا)



ملاحظات خصوصیه

هر شیئہ تدریجاً الیشیلورسده اجلغہ چاره اولمدیغندن
 بو یولده وفات ایدنلرک منتقیم ومعینی اللهدر .

بویین ایکمک شکلا دخی استقامته خلل کتوردیکی
 کی باطناً تأثیری دها اشددر .

حیاتک حکمی نه اوله بیلیرکه مؤبد دکلددر .

دنیاده اک الحق کیمددر ؟ سؤالنه ویریلہ جک جواب
 وطن خائنینددر .